

" A SU MILITE IGNOTU "

Milite, chi dormis cue,
purissimu eroe gloriosu,
nara, chie ses tue.....

de cale mamma ses fizzu dicciosu?

In cussu sacru marmu sublimadu,
forsis, ses tue sardu....

ligure o romanu

ses toscanu, siculu o lombardu?

Ma non importa'... ses italianu

chi de fronte a sa morte,

as peleadu forte

pro s'italica terra tantu amada:

s'Italia nostra, es madre tua!

Sa vida tua bella, immolada
l'as, cuntentu, in su campu' e s'onore
pro riscattare s'unidade sua.

A tie, cun tantu onore,
dignu fizzu 'e Roma immortale,
cun piedosu e benignu pensamentu,
m'inchino riverente,

e tantu prego reposu pro te:

Cun gestu marziale,
supra cussu marmoreu monumentu,
decore e vantù 'e s'italica gente,
dominende s'Urbe ista' su Re.

E tue, forte Milite Ignotu,
simbulu 'e su valore italianu
a cussa' invittu Re as fattu votu
d'incher' o morre' cun s'ispada in manu

Tue, però, ses mortu
cun su pettus paradu a s'inimigu,
in coro s'accunortu,
ca su sole amigu,
ti carignei' cun oju amorosu.

Ecco, ch'a tantu gosu,
pro sa Patria nostra, ses risortu:
ca non mori' s'eroe gloriosu
chi rue', fertu, in sa frontiera
pro difende' sa patria bandera.

(BARBARIGHINU)

In Sa Solidade

Ponidebi, Sardos, in s'altare
cunsaéradu a s'arte, una corona
de 'irde laru pro incoronare
sa frònte sua digna 'e s'Elicona,
e, solenne, unu cantu a sublimare;
de su Pernasu sardu, musa, intona
pro memoria, s'anima benigna
de Grazia, ispeju 'e sa Sardigna
Grazia Deledda, anima e coro
de cust'isula car'a Leonora,
Torrada ses in terras de Nuoro,
como, "ch'ispuntada s'aurora"
in s'orizzonte Sardu a raios d'oro,
de, sublime, risonat ancora,
cal'e rosignolu in su 'eranu
liricu, su cantu 'e Bustianu.

Repos'in paghe in cussa Sacra losa
a pes de s'Ortobene tantu caru.
Nostra signora, mamma piedosa,
in eternu ti donē'largu amparu,
grata, sa zente Sarda e generosa,
piante' vicinu unu fundu 'e laru,
chi a sos Sardos ispirat amore
a cosas de grandesa e de valore.

Sutta s'umbra de tanta dignidade,
de fronte a su superbu Gennargentu,
Nostra Signora de Sa Solidade,
dàe a tottucantos ausentu:
Sardos ch'ian dadu a s'umanidade
frattos de virtude e de talentu,
pro ch'a su populu Sardu riverente,
sia' de bon'esempiu tanta zente

Tando, Sardigna, des esser dicioiosa,
si poderes pro semper onorare,
in custu sacru Tempiu, orgogliosa
de tantos fizzas coglidos appare.
Tue, Grazia, de geniu famosa,
podas accant'a issos riposare
eternamente su sonnu profundu,
senz'affannos e dolo de su mundu.

(Barbarighinu)

Si, po' destinù, chi primu ap'a calare,
Coment'ispero, a s'iscura tumba,
Ùe tutt'es finidu,
e nemmocu rembuaba'
de sa vida su motu seculare,
ti lasso incaressida
ch'enzeres, a su mancu, piedosa
cun fiore a sa losa,
ch'irriverente pe',
cupertu su terrinu e tantu ornadu,
non benza'd'unu vile a calpestare
sos avanzos de me',
ch'infelice in sa vida so istadu.

Unu teneru fundu
a su fiancu meù piantona,
de maestosu e delicadu laru,
chi s'innalze'liberu e fecundu
de ramigheddos hirdes a corona,
e chi dist amparu
a sa povera tumba,
Ùe sos ossos mios allattare
den'a su laru sas chimas delicados.

Si enzeres, Columba,
Pustis de tantu dolu, a incontrare
dulce paghe e s'albore dechida,
inter sas chimas de fiore ornadas
unu mundu, una vida
dian'puru de nòu palpitare:
murmurende sas forzas de n'cantare,
eterna, una cantone amorosa.

Cun manu piedosa,
cun coro devotu e sublimadu
coltiva, e cun ternura,
sos fiore ch'in ive as piantadu;
e, dàe cussa 'irde sepultura,
palpitos d'amore an'a bessire,
chi m'an'fattu sa vida derramare.

Sutta s'er mosu e delicadu fundu,
si de' su coro tuo intenerire,
e non ti dian' benner'a turbere
sos anneos e penas de su mundu.

(Barbarighinu)